

LA PUNT



raspada da Zernez

cun las fracziuns Brail, Lavin, Susch e Zernez

da favrer fin avrigl 2026


segunda versiun

Cult divin pel «di d'urazchun mundial», dumengia als 22 favrer a las 18.30

Il «di d'urazchun mundial» es la plü gronda organisaziun ecumena da basa da duonnas chi dà sül muond. Quel va inavo sün dis d'urazchun cha las ouvras da missiun da duonnas vaivan clomà in vita dal 1887 i'ls Stadis Units da l'America ed i'l Canada. Daspö il 1927 es il di d'urazchun mundial instituziunalisà mundialmaing. Hoz vain manà tras quist «di d'urazchun mundial» chi vaiva nom fin dal 1970 «di d'urazchun mundial da las duonnas», in 170 pajais dal muond.

Il cult divin ecumenic pel «di d'urazchun mundial» vain preparà minch'on da duonnas d'ün oter pajais dal muond. Ellas defineschan il tema da fil cotschen tras il cult divin e preparan la liturgia. Sur las organisaziuns naziunalas (in Svizra es quai üna società) vegnan lur liturgias derasadas e vegnan preparadas al lö d'üna gruppa ecumena locala da duonnas. Il motto: «urar infuormà ed agir cun urazchun» es il motto general chi sta sur il motto annual e vala minch'on. Il comitè internaziunal dal «di d'urazchun mundial» declera dad esser ün movimaint mundial da duonnas cristianas our da bleras differentas tradiziuns chi as metta insembel minch'on per festagiar lur colliaziun ill'urazchun.

Quist on han preparà las duonnas da la Nigeria la liturgia. Lur motto annual es «gnit eu as vögl far gnir fermas». La Nigeria es ün pajais a la costa dal vest da l'Africa passa 22 jadas



uschè grond sco la Svizra. Cun 230 milliuns abitants es la Nigeria ün dals pajais ils plü ferm populats da l'Africa. La populaziun as metta insembel da trais grondas gruppas etnicas. Al nord viva il pövel dals *Hausa-Fulani* al südvest vivan ils *Yoruba* ed al südost ils *Lgbo*. Il pövel discuorra sur 500 linguas indigenas. Al süd saja blers cristians ed al nord vivan daplü mohamedans. Natüralmaing saja üna fich multifara cultura chi as manifesta per exaimpel culs muosters dals textils però sco pel solit cun musica e sots o

lura cun litteratura. La Nigeria d'eira üna colonia Britannica. Davo l'independeza dal 1960 haja lura dat üna guerra da pussanza interna, pro la quala la crudeltà da l'organisaziun terroristica «*Boko Haram*» es dvantada cuntschainta sün tuot il muond.

Hoz saja duonnas in blers uffizis publics e listess nun han las duonnas in Nigeria amo ils listess drets sco ils homens in lur società. Quai ha da chefar cun situaziuns da duonnas in lur differentes contexts geografics e culturals. Da quai quintan las duonnas illa liturgia dal «di d'urazchun mundial» chi as basa quist on sül text our da l'evangeli da Matteus 11,28 «Vus chi as turmantais(). gnit tuottüna pro mai; eu as vögl tour giò la chargia» Hermann Thom

Cults divins da favrer fin avrigl 2026

Data	Brail	Zernez	Susch	Lavin	Divers
favrer 2026					
01 - 02		09:45 r Seraina Guler		11:00 r Seraina Guler	
08 - 02			11:00 t Alex Schaub		
15 - 02		11:00 r Fadri Häfner			
22 - 02		18.30 r/t duonnas			Di d'urazchun mundial San Bastian
marz 2026					
01 - 03	Ingüna predgia Chalandamarz				
08 - 03				11:00 r Seraina Guler	Predgia da Chalandamarz
15 - 03		11:00 r Fadri Häfner			Di da schoppa in Baselgia Catolica
22 - 03			11:00 t Alex Schaub		
29 - 03		10:30 r/t A. Jungen			Confirmaziun Baselgia Gronda
avrigl 2026					
03 - 04			09:45 r Seraina Guler	11:00 r Seraina Guler	Venderdi Sonch
05 - 04	09:45 r Peter Wydler	11:00 r Peter Wydler	11:00 r M. Schleich	09:45 r M. Schleich	Pasqua cun Soncha Tschaina
12 - 04	Ingüna predgia dumeng'alba				
19 - 04		09:45 t H.P. Jost		11:00 t H.P. Jost	
26 - 04			09:45 r/t A. Jungen		
<p>r: liturgia e predgia in rumantsch; r/d: liturgia in rumantsch, Predigt deutsch d: Liturgie und Predigt deutsch</p>					

Duos müdadas da program in avrigl:

19. avrigl cun Hans-Peter Jost per tudais-ch a Lavin e Zernez ed als 25. avrigl cun Annette Jungen per tuot las fracziuns a Susch

Nos predichant laic, *Fadri Häfner*, ha bler fiers in fö. El vaiva previs da gnir in nossa raspada a predegiar als 19. avrigl. Però davo pro til es gnü a travers ün conflict da termins ed el ha dumandà schi füss dret scha per quista jada surpigless seis collega da Tavo, *Hans-Peter Jost*, ils cults divins in nossa raspada. Nus eschan fich grats cha *Fadri Häfner* es adüna a disposiziun per nossa raspada d'ürant il temp cha nossa pravenda es vacanta e vain natüralmaing incletta. Uschè cha in dumengia, als 19. avrigl, predgia Il predichant laic da Tavo, *Hans-Peter Jost* a las 9.45 a Zernez ed a las 11.00 a Lavin.



Pel seguond müdamaint, als 25. avrigl, vain nus il fat cha quella dumengia es a Zernez l'exposiziun agricula Agrischa. Il plan da predgias es gnü fat al cumanzamaint da l'on e vi da l'Agrischa displaschaivelmaing nu es gnü pensà. Plü tard esa gnü provà culs organisaturs da pudair far ün cult divin aint illa tenda da festa, ma massa tard. Perque strichain oramai il cult divin chi d'eira previs quel di a Zernez e fain quella dumengia ün cult divin per tuot las fracziuns cun *Annette Jungen* a las 9.45 a Susch. Tuot quels chi vöglian ir il prüm a predgia e plü tard amo a l'Agrischa, pon uschè far quai. Ma in nu fa sen cha nus sunain sains e fain ün cult divin mal visità a Zernez, d'ürant chi a lö il cortegi da l'Agrischa. Per ün'otra vouta füssa lura our

da nos punct da vista adequat schi dà sumgliaintas festas in nossas fracziuns, da pudair collavurar e far ün cult divin sül plazzal da festa.

Culazchun da l'eivna da Pasqua in gövgia, als 2 avrigl a las 9.00 in chasa pravenda a Zernez.

D'ürant l'eivna avant Pasqua spordscha nossa raspada tradiziunalmaing ün inscunter per star da cumpagnia, mangiar insembel culazchun e chantar ün pêr da las bellas e bleras chanzuns da Pasqua cha nus vain in nos Coral. Comembras dal consistori preparan la sala pravenda e la culazchun ed il chant vain sco adüna accumpagnà e manà nossa organista, Christa Pinggera. Pervia dal far cumischiuns, füssa bel scha persunas chi lessan gnir, s'annunzchan fin il di avant a mezdi, pro'l president Hermann Thom (079 413 02 03).



Confirmaziun dumengia, als 29 da marz a las 10.30 in Baselgia Gronda a Zernez

Quist on vain nus üna annada chi vain confirmada, chi as metta insembel da quatter confirmandas chi abitan tuottas a Zernez.

La fotografia a dretta es gnüda fatta in occasiun da la fin d'eivna da preparandas a Basilea davo il «Basler Münster» sülla terrassa vers il Rain. Nus vezzain da schnestra a dretta a Fiona Städler, Selina Schorta, Severina Roner e Svenja Meng.

La predgia pel cult divin da confirmaziun ha surtut sco fingià diversas voutas nosa anteriura ravarenda, Annette Jungen. Causa il pitschen nummer da confirmandas esa blera piazza in baselgia, tuot es cordialmaing invidà.



Radunanza generala in lündeschdi, als 27 avrigl a las 19.30 in sala pravenda catolica a Zernez



La radunanza generala es üna part importanta pro la vita activa dad üna raspada. La vita in üna raspada nu dependa ni dal ravarenda chi pro nus manca pel mumaint, ni dal consistori chi vain insè be miss insembel da tschinch commembers da la raspada. La vita illa raspada dependa da minchüna e da minchün chi fa part a quella. In quel sen es la radunanza generala quella pussibilità per commembras e commembers da nosa raspada refuormada da las quatter fracziuns da Zernez per tour influenza sün la vita illa raspada, saja quai cun las tschernas o eir cun lur votums a radunanza. Sco cha'l president fa a savair on per on a nossas Confirmandas e nos Confirmands, as porta respunsabilità sco part d'üna raspada per quai chi vain decis a radunanza, independentamainch schi's es da la partida o schi as sta davent.

Contacts cun la raspada:

Presidi:

Hermann Thom 079 413 02 03
obain hesti@bluewin.ch

Secretariat:

Flurina Walter 079 586 12 39
obain flurinawalter@hotmail.com

Nossa homepage: <https://zernez-ref.ch>